



REPUBLIKA E SHQIPËRISË
BASHKIA POGRADEC
KRYETARI

Nr. 2017/
15 prot.

Pogradec, më 20, 06, 2024

Lënda: Dërgohet material për shqyrtim e miratim.

Zj. Manjola Kamolli
KRYETAR I KËSHILLIT BASHKIAK

Enderuara zonja Kryetare,
Bashkëngjitur po ju dërgojmë projekt vendimin, dhe relacionin shoqërues për miratimin e
emërtimit e rrugës të qytetit Rruga "Feridon Fezollari"

Me respekt,

K R Y E T A R I



Nr. i faqeve A4 të projekt-vendimit: 1 (një)

Nr. i faqeve A4 të relacioni shoqërues: 2 (dy)

Nr. i i fletëve të dokumenteve që shoqërojnë projekt vendimin: 4(katër)



REPUBLIKA E SHQIPËRISË
BASHKIA POGRADEC
KËSHILLI

PROJEKT VENDIM

Nr._____, datë _____._____.2024

PËR MIRATIMIN E EMËRTIMIT TË RRUGËS SË QYTETIT “FERIDON FEZOLLARI”

Këshilli Bashkiak Pogradec në mbledhjen e datës _____._____.2024, me propozim të kryetarit të Bashkisë, mbështetur në nenin 9 pika 1, nënpika 1.7 shkronja “b”, nenin 55 shkronja “11” të ligjit nr.139/2015 “Për vetqeverisjen vendore”, urdhërit Nr. 1411 datë 10.12.2008, për “Miratimin e modelit të adresës dhe rradhën e vendosjes së elementeve të saj” nenin 3 dhe 5 të ligjit nr.9270, datë 29.07.2004 “Për sistemin e adresave” (i ndryshuar), ligjt nr.107/2014 “Për Planifikimin dhe Zhvillimin e Territorit” (i ndryshuar).

VENDOSI

1. Miratimin e ndryshimit të emërtimit të rrugës nga “**Ruga Driloni**” me emrin “**Ruga Feridon Fezollari**” në Bashkinë Pogradec sipas planvendosjes të hartës bashkëngjitur.
2. Ky vendim hyn në fuqi sipas përcaktimeve të pikës 6 të nenit 55 të Ligjit nr. 139/2015, datë 17.12.2015 “Për vetëqeverisjen vendore”, (ndryshuar) dhe pas konfirmimit ligjor nga Institucioni i Prefektit të Qarkut, Pogradec.

K R Y E T A R

MANJOLA KAMOLLI



REPUBLIKA E SHQIPËRISË
BASHKIA POGRADEC

Nr. _____ Prot.

Pogradec, më _____. 2024

RELACION

Në lidhje me Projekt-Vendimin për miratimin e emërtimit e rrugës të qytetit me emrin “Feridon Fezollari”

I nderuar Kryetar i Këshillit!

Të nderuar Këshilltarë!

Mbështetur në nenin 9 pika 1, nënpika 1.7 shkronja “b”, nenin 55 shkronja “11” të ligjit nr.139/2015 “Për vetqeverisjen vendore”, urdhërit Nr. 1411 datë 10.12.2008, për “Miratimin e modelit të adresës dhe rradhën e vendosjes së elementeve të saj” nenin 3 dhe 5 të ligjit nr.9270, datë 29.07.2004 “Për sistemin e adresave” (i ndryshuar), ligjt nr.107/2014 “Për Planifikimin dhe Zhvillimin e Territorit” (i ndryshuar).

Rezulton se ish “Ruga e Drilonit” nuk ka të përcaktuar emrin e një personaliteti apo ngjarje historike ndaj propozohet të vendosen emri e Qytetarit të Nderit “Feridon Fezollari”.

Me Vendim të Këshillit Bashkiak nr 129 datë 24.11.2023 , Feridon Fezollari (pas vdekjes) i është dhënë titulli i lartë “ QYTETAR NDERI”, propozohet që segmentit i rrugës “Driloni” prej kryqëzimit me rrugën e Korcës deri në kryqëzimi me Rrugën e Namazgasë (Zjarrfiksi) të vendoset emri i tij.

Bashkëngjitur keni dhe CV e “Qytetarit të Nderit” Feridon Fezollari.

Ftojmë Këshilltarët të votojnë këtë Projekt Vendim.

Faleminderit!

Konceptoi: Juriste

Eljana Blacëri

Pranoi: Kryetare e Komisionit Këshillimor

Për dhënien të titujve të nderit

Entela Gusho

Miratoi: SEKRETARI I PËRGJITHSHËM

Dritan Babasuli

FERIDON HAKI FEZOLLARI



Feridon Haki Fezollari ka lindur në 29.03.1940 në Pogradec në një familje me ndjenja të theksuara patriotike, të cilët kanë dhënë kontribut të shquar në mbrojtjen e idealeve të lirisë, atdheut dhe Pogradecit.

Babai i tij Haki Fezollari ka qënë luftëtar, patriot dhe liridashës duke transmetuar edhe tek fëmijët këto vlera atdhedashurie. Mbas çlirimt të Shqipërisë me vendosjen e komunizmit dhe diktaturës Haki Fezollari nuk mund të duronte regjimin socialisdhe persekucionin ndaj u arratis nga Shqipëria në vitin 1949, mbasi ishte arrestuar disa herë dhe kishte shpëtuar pushkatimit.

Feridoni, djali më i madh i Familjes ishte vetëm 9-vjet kur u internuan familjarisht së bashku me nënën e tij Kushe në Kamëz të Tiranës duke përjetuar tmerret e vujatjeve të internimit dhe persekutimit politik deri në vitin 1954

Pas kthimit në Pogradec, nënë Kushen e kishin lënë në mes të skamjes me katër fëmijët e vegjël dhe nën peshën e përndjekjes. Ndonjëse 14 vjet Feridoni fillon të punojë fort për të mbajtur familjen por dhe studion njëkohësisht duke dalë me rezultate të shkëlqyera në shkollë. Por fati i tij ishte i destinuar të mos ndiqte arsimin më lartë për arsyet politike.

Në vitet 1960, situata politike në Shqipëri po rëndohej. Ndërprerja e mardhëdhënieve me Bashkimin Sovjetik bëri që ATA që kishin biografinë e keqe të përndiqeshin dhe persekutoheshin edhe më fort duke bërë të padurueshme jetën. Feridoni asnjë cast nuk u përkul, vazhdonte të punonte fort por dhe të mendonte se si mund të largohej nga ky kalvar i tmerrshëm, të aratisej larg Shqipërisë dhe të shkonte pranë babait të tij në Australi.

Për motive politike arrestohet në vitin 1961 kur ishte vetëm 21 vjet. Gjykata e dënon me burg për 13 vjet dhe vuan heqjen e të drejtës së lirisë në burgjeët e Vlorës, Fierit dhe Spac.

Lirohet në vitin 1971 dhe fillon punë në Ndermarrje të ndryshme të Pogradecit ku do të dallohet për punën e palodhur dhe i dashur me shokët.

Feridoni dallohet për një inteligencë të lartëe dhe shumë i sukseshëm në punën që ai kryente. Në Ndërmarrjen e Përpunim Drurit do të ishte nga novatorët kryesorë të kësaj Ndërrmarrje ku do të shquhej për përshtatjet e mjeteve të punës në ndihmë dhe lehtësimin e punëve të rënda fizike duke lehtësuar lëvizjet, transportin e trupave të drurit apo dhe përpunimit të tyre. Ndonjëse ishte vetë Ai që krijonte këto novatorizma emri i tij nuk do të përmëndej kurrë.



Duke përjetuar cdo cast pérndjekjen , persekucionin dhe distancimin e shokëve dhe miqve kalonin vitet por Feridoni nuk mund të përshtatej sistemit komunist-socialit të vendit të tij.

Qysh prej vitiit 1961 ai kishte menduar të arratisej nga Shqipëria tani që ishte familjar dhe rrith tij kishte fëmijët , vëllezërët dhe motrën e shihë si domosdoshmëri ikjen dhe bashkimin me babanë e tij. Filloi intesivisht të mendonte se si mund të aratisen të gjithë duke ideuar varkën , atë shpëtimtaren e vetme.

Mbas shumë përpjekjesh dhe provash kjo ikje aq e dëshiruar ndër vite realizohet në 3 korrik 1975. E gjithë familja e Haki Fezollarit me varkë kalojnë lisenin dhe aratisen për në Jugosllavi nga Shën Naumi ndërsa diktatori pushonte në Pogradec.

Në letrën e tij të fundit të ikjes lënë në shtëpinë e tij u shkuajt:

“Nuk po tradhëtoj Atdheun por regjimin dhe sistemin tuaj”

Imagjinoni vetëm për një moment një natë të errët buzë lisenit ku ju dhe familja juaj po prisni të ngjiteni në një varkë primitive të bërë me mushama, një udhëtim që do të zgjasë për orë të tëra deri në bregun tjeter...kthim pas nuk ka! Në varkë bashkë me burrat, gratë e fëmijët gjendet dhe një kuti me dinamit me fitilin gati për t'i vënë shkrepësen, për t'u bërë shkrumb e hi nëse rojet e kufirit ju pikasin. Jeni ju, fëmijët që flenë, frika në stomakun tuaj që rëndon më shumë se rrobat e lagura, hëna e fshehur pas një reje të zezë dhe jeta e varur mbi një fije shprese.

Me pak fjalë ky është peizazhi që mund të përshkruhet ajo natë e 3 korrikut në të gdhirë 4 korriku i vitit 1975 në lisenin e Pogradecit...këto ishin orët e gjata drejt lirisë, udhëtimi i patëdytë i familjes Fezollari. Ata kishin vënë bast me vdekjen. Për ta jeta nuk ishte më asgjë pa lirinë, ndaj ndërmorën këtë udhëtim, këtë arratisje, që do të merrete epitete nga më të ndryshmet në vazhdimesi, e denjë për një film për ‘Oscar’ sigurisht.

Vitet e qëndrimit në Australi ishin shumë intensive për Familjen Fezollari. Ata integrohen si në punë dhe shoqëri duke qënë shëmbull të sjelljes në komunitet. Falë këmbënguljes së tyre ngrejnë Kompaninë duke punësuar 100 punëtorë. Ndonjëse të sukseshëm dhe plot energji Feridoni nuk e harroi kurrë Shqipërinë kishte mall për gjithë njerëzit e dashur për pogradecarët.

Gjatë fundit të viteve '80 në Europë kanë filluar lëvizjet anti komuniste dhe shkërmiqja e kampit socialist. Familja Fezollari e sidomos Feridoni mezi po presin përbysjen e madhe edhe në Shqipëri. Pret që edhe Shqipëria të cilohet nga komunistët.



Ishin vitet 1991-1992 që Feridoni të kthehej në Shqipëri së bashku me familjen e tij si dikur por tashmë të rritur dhe familjarë.

Nuk kishte kohe per të humbur duhet të fillonin të punonin por dhe të ndihmonin jo vetëm të afërmit e tyre të cilët kishin vuajtur dhe ishin persekutuar nga regjimi komunit por të ndihmonin edhe njerëzit në nevojë. Feridoni nuk kishte ardhur si kapitalist nga Australia por dhe si bamirës. Në fillim hap një lokal më emrin "Fortesa" per të kujtuar ikjen e madhe pranë fortësës. Lokali ishte dhe restoran dhe punonte në kosto. I gjithë farefisi hante dhe pinte falas dhe Birra me Cocacola qeraseshin pa lekë.

Energjia dhe këmbëngulja për të punuar vazhdonte të spikate tek Feridoni , në vitin 1993 pranë Pallatit të Kulturës në Pogradec hapet Disco "Diamond" e para në qytetin tonë ku do të organizoheshin krahas festa për të rinjtë edhe aktivitete kulturore , promovime libri etje.

Gjithashtu do të çelen Firma bisnesi për import produkte të ndryshme , kompani elektronike , duhan cigare etje.

Paralelisht Feridoni do të ishte iniciatori i shumë ndihmave të familjeve në nevojë duke lehtesar vështirësitë ekonomike të tyre. Në çdo festë Bajrami apo fund viti do te ndihmoheshin afro 200 familje me pakos ushqimore për të gezuar në këto ditë festive.

Në ditët e vështira të vitit 1997 do të ishte organizatori kryesor për ngritjen e grupit të Emergjencës për furnizimin e qytetit me produkte ushqimore e sidomos në mbrojtë të institucioneve të rëndësishme të cilat rrezikoheshin të shkatëroheshin plotësisht.

Qyteti ku Feridoni u lind dhe u rrit kishte nevojë edhe për një institucion mediatik ndaj u propozua të ngríhej një television lokal. Djemte e tij Bajrami dhe Lirimi dëshironin të çelëj në Tiranë. Feridoni këmbënguli që Televizioni do të hapej në Pogradec dhe kështu në vitin 1998 lindi SOT7.

Të gjithë punonjësit e SOT7 do ta kujtojnë me shumë dashuri Feridonin për ndihmën dhe idetë e tij në punën e përditshme.

Ndron jetë papritur në vitin 2002 duke lënë përgjithmonë emrin e tij si simbol të lirisë, atdhedashurisë , i punës së palodhur dhe humanist.

Vepra dhe lufta e tij për liri është shkruar edhe në "Fjalori enciklopedik i viktimate të terrorist komunist" – VËLLIMI II



Këshilli i Bashkisë Tiranë me Vendim nr 3 datë 26.1.2016 , Emërton një nga rrugët me emrin
“Feridon Fezollari”

Për 25 vjetorin e Televizionir SOT7 , Kryetari i Bashkisë z. Ilir Xhakolli i akordoi familjes dhe
z. Feridon Fezollari, Certifikatën e Mirënjojjes (Pas vdekjes) me motivacion “Për kontributin e
dhënë në ngritjen dhe konsolidimin e Televizionit “SOT 7”. Ndihma dhe këshillat e tij të vyerat,
mbetën themelë të forta, në ecjen përpëra të këtij institucioni mediatik, privat në Pogradec”.

Për gjithë veprimtarinë e tij propozohet për miratimin e emërtimit e rrugës të qytetit me emrin
“Feridon Fezollari”